

## GID POU PARAN YO POU LANG AK LITERATI ANGLÈ KLAS 7YÈM ANE

### Preparasyon Timoun Florida Pou yo Gen Yon Bèl Avni



Tout timoun Florida merite diplome nan lekòl segondè avèk konesans ak ladrès yo bezwen pou yo reyisi nan kolèj, nan karyè yo chwazi ak nan lavi yo. Nan anpil ane ki sot pase yo, Florida te fè gwo pwogrè akademik. Men, nou konnen mache travay jodi a egzije elèv diplome nou yo pou yo gen pi bon panse kritik, pi bon ladrès pou yo rezoud pwoblèm ak pi bon ladrès pou yo kominike pase anvan. Prensip siperyè ki ankouraje ak motive elèv nou yo enpòtan.

Pou satisfè bezwen sa a, dirijan edikasyon nan eta Florida te amelyore prensip pou matyè akademik nou yo, pou yo kreye nouvo egzijans pou sa elèv yo bezwen konnen ak kapab fè. Prensip Florida yo la pou asire TOUT elèv yo reyalize pi gwo potansyèl yo—kèlkeswa sa chemen an ka ye.

Preparasyon pitit ou pou li reyisi kòmanse nan klas matènèl epi li kontinye pandan pitit ou ap vanse nan chak klas. Gid sa a ap sipòte paran ak fanmi ki gen timoun ki nan **klas setyèm ane**. Pou fè sa, gid la ap ede ou:

- **Aprann** Prensip Florida yo ak rezon ki fè yo enpòtan pou pitit ou.
- **Pale** avèk pwofesè pitit ou sou sa pitit ou ap aprann nan salklas la.
- **Sipòte** aprantisaj pitit ou nan fason pratik lakay ou.

### APRANN PRENSIP YO

Elèv Florida yo ap kontinye pratike anpil menm bagay yo te aprann nan klas setyèm ane—ansanm avèk kèk ladrès siplemantè enpòtan. Elèv **klas setyèm ane** yo ap aprann kalite leson sa yo:

- Detèmine siyifikasyon mo ak ekspresyon, tankou siyifikasyon figire ak siyifikasyon konotatif.
- Analize kijan fòm oswa estrikti yon pyès teyat oswa powèm kontribiye nan siyifikasyon li.
- Detèmine pwendvi oswa objektif yon otè nan yon tèks epi analize fason otè a distenge pozisyon li avèk pozisyon lòt moun.
- Ekri rezònman pou sipòte reklamasyon yo avèk rezon aklè ak prèv enpòtan.



Chak timoun devlope nan ritm pa li. Aktivite ki nan gid sa a se gid ki rekòmande pou laj espesyal pou lespri jèn timoun k ap grandi.

Telechaje Prensip Florida pou Lang ak Literati Anglè pou Klas 7yèm Ane sou sitwèb [www.flstandards.org](http://www.flstandards.org)

#FLStandards  
Antre nan konvèsasyon an



## PALE AVÈK PWOSESÈ PITIT OU



Kounye a pitit ou rive nan lekòl pre-segondè, li ta dwe pran plis responsablite pou aprantisaj li. Elèv ou ka alatèt rankont paran/pwofesè. Gade rankont sa yo pou konsantre sou egzanp travay elèv la. Ansanm avèk pitit ou, pale sou fason travay sa a gen siksè ak sou fason posib elèv ou kapab kontinye aprann ak grandi kòm yon lektè ak yon kominikatè efikas.

## SIPÒTE APRANTISAJ LA LAKAY OU

Ou kapab ankouraje pitit ou aprann lang ak literati anglè lakay ou nan fason ki amizan pou ou ak pitit ou. Eseye lide sa yo apre lekòl, nan jou wikenn epi pandan vakans lete.



Itilize National Gallery of Art “Who Am I: Self Portraits in Art and Writing” (Galri Nasyonal Boza: Kimoun Mwen Ye: Pòtre Pèsonèl nan Boza ak Redaksyon) pou aktivite lekti, redaksyon ak refleksyon sou sitwèb [www.nga.gov](http://www.nga.gov).



Prepare epi fè yon sware deba an fanmi sou yon sijè ki konsène ou. Entwodui prensip rezonman nan diskisyon ki pi enfòmèl avèk pitit ou.



Mande pitit ou pou li fè rechèch sou chwa aktivite vakans lete.



Ankouraje pitit ou pou li òganize yon kliv liv oswa pou li antre nan youn avèk zanmi ki gen enterè komen.



Travay avèk pitit ou pou kòmanse yon rezime ak yon pòtfolyo pèsonèl epi pratike fason pou ranpli aplikasyon yo sou fòm elektwonik.



Ankouraje pitit ou pou li fè rechèch sou pastan li pi renmen.



Mande pitit ou pou li eksplike pawòl chante li pi renmen an.



Itilize resous tankou Purdue University OWL (Online Writing Lab) sou sitwèb [owl.english.purdue.edu/owl/section/1/5](http://owl.english.purdue.edu/owl/section/1/5).



Ale souvan nan bibliyotèk piblik lokal ou. Kite li wè w ap chwazi liv, kite li wè w ap prete liv epi kite li wè ou renmen liv.

Pale avèk pwofesè pitit ou avèk direktè lekòl li pou ou aprann pi gwo lide pou sipòte aprantisaj li lakay ou.  
**Telechaje Prensip Florida pou Lang ak Literati Anglè ak lòt resous pou paran yo sou sitwèb [www.flstandards.org](http://www.flstandards.org)**

Ou gen kesyon? Kontakte [JustforParents@fldoe.org](mailto:JustforParents@fldoe.org)